



Inatsisartunut ilaasortaq
Vivian Motzfeldt, Siumut
Maani

§ 37 naapertorlugu apeqqut 123/2021-mut akissut

Inatsisartut Suleriaasianni § 37, imm. 1 naapertorlugu Naalakkersuisunut apeqqutinik
imaattunik saqqummiussaqaarputit:

1. Aningaasanut inatsit 2021-imi konto 20.11.70 aningaasaliissutini immikkoortit, aalisartut ingerlaqqikkusuttut pillugit qulaajaanissamut atorneqartussat Naalakkersuisut qanoq pilersaaruteqarfigivaat?

Brevdato: 23-09-2021
Sags nr. 2021 - 17060
Akt id. 17995046

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut: Raajarniarnerup taamanikkut aqqissuuteqqinneqarnissaa immikkut siunertaralugu 1990-imi aalisarnek pillugu inatsimmik nutaamik akuersinissap tungaanut pisup arlaannaanulluunniit attuumassuteqanngitsumik qulaajaaffineqarnerata ingerlanneqarnissaanut 2,5 mio. kr.-nik immikkoortitsinissaq 2021-mut aningaasanut inatsit pillugu isumaqatigiissummi isumaqatigiissutigineqarpoq. Tamatuma kingornatigut Aningaasaqarnermut Akileraartarnermullu Ataatsimiititaliap aningaasaliissutit taakku ikilisinneqarnissaat akueraa.

Malittarisassat inatsisit atuuttussanngorlugit akuerineqarnerinut atuuttut malinneqarsimanersut nalilerneqarnissaannut 2021-mi oktobarip naannginnerani inatsisilerituunit avataaneersunit ikiorneqarnissamik qinnuteqarnissaq Naalakkersuisut naatsorsuutigaat, soorluttaaq pisoqalisoqarsimasinnaanerani apeqqut ilaatinneqarumaartoq.

2. Aalisartut ingerlaqqikkusuttut qulaajaaffineqarnissaannut aningaasat immikkoortit sinneruttut ukioq manna atorneqarnissaat piviusunngortinniarnearpa?
 - a. Aappiuppat qaqugu?
 - b. Naamiuppat suut tunngavilersuutigineqarpat?

Akissut: Apeqqut 1-imut ataatsimut akissuteqaat innersuussutigineqarpoq.

3. Aalisartut ingerlaqqikkusuttut qulaajaaffineqarnissaat maanna Naalakkersuisooqatigiit aningaasanut inatsimmi 2022-imut ilanngunneqarnissaat pilersaarutigaat?
 - a. Aappiuppat qaqugu?
 - b. Naamiuppat suut tunngavilersuutigineqarpat?

Akissut: Qulaajaaneq ukioq manna naammassineqartussatut naatsorsuutigineqarpoq,

taamaattumillu 2022-mut aningaasanut inatsimmi tamatumunnga aningaasaliissutinik
immikkoortitsisoqarnissaa naatsorsuutigineqarnani.

Inussiarnersumik inuulluaqqusillunga


Aasi Chemnitz Narup